



## Universitätsbibliothek Paderborn

**R. P. Thomæ Tamburini Societatis Jesu Siculi  
Caltasinetensis, In ... Universitate Messanensi Theologiæ  
Primarii Professoris, Tractatus Quinque In Quinque  
Ecclesiæ Præcepta**

**Tamburini, Tommaso**

**Dilingæ, 1697**

Parergon Ad Tertium Ecclesiæ Præceptum. De Evcharistia. Non Jejuno  
litare an liceat aliquando?

**urn:nbn:de:hbz:466:1-40032**

# P A R E R G O N AD TERTIUM ECCLESIAE PRÆCEPTUM.

## D E E V C H A R I S T I A.

*Non Jejuno litare an liceat aliquando?*

**E**ras , atque uberibus spicis , & crebris facunda est literaria prolusionum seges , auditores ; nimis enim artis coercent spatijs , præfandi argumenta , qui tantum , vel Scriptorum , quos explicando suscipiunt , laudibus , vel scientiam , quam deinceps professi sunt , commendatione concludunt . Evidens in eam pedibus sententiam eo , opportunam eligi proloquendi materiem ; cùm studita quæpiam , atque auditoribus grata disseratio ex ijs , qua in ejusmodi scientiæ penu locum habeat , aptè proponitur ; & in eadem , quasi in arena , & campo , ante constitutum prælij diem , artificiosè proludiditur .

Ego igitur , tractationem de tertio Ecclesiæ præcepto , hoc est , de fuscipienda ferijs paschalibus Sacra Synaxi , auditoribus meis propinaturus ī id quod ago , ut à mei Prædecessoris vestigijs non discedam , qui primum , & se-

eundum ejusdem Ecclesiæ præceptum eruditè superioribus tribus annis explicuit ; utinam ego eruditione pari ego , inquam , quid in hac sapientium virorum corona præfabot ? Ecquum levem velitationem hoc initio fuscipiam , quasi solemne præludium futurum decisionum , quas consequente anno , Summo favente Numine , mollarus sum ? Eligo de celebri illa questione aliquid differere , quæ inquirit , an Sacra Eucharistia mente liceat aliquando fideli non jejuno naturaliter , ut loquimur , accumbere ? Et quidem mihi nequaquam instituendus est sermo ; an id graviter ægrotanti liceat , Sacra causa Viatici ; neque , an Sacerdoti , quando Saecula hostiæ præconferat copia non suppetit , & alias Sacerdos non adsit jejonus , qui ad aram operans , providere infirmo de eodem Viatico possit ; neque , an Sacerdoti item non jejuno , si jejonus non adsit , quando complendum est Sacrificium , celebrante , me-

dio in Sacro ; post Consecrationem deficiente ; neque an fideli cuiuscumque non jejuno absumere liceat Sacra viaticæ particulas , ne ingruente Hæretorum , vel Infidelium turma , Sanctorum in manibus canum deferatur ; non inquam , de his mihi instituendus est sermo ; hæc enim vulgata sunt , & recentiorum Theologorum oppugnante nemine , facili negotio non jejunis conceduntur ; sed disceptatio nostra in eō versabitur , an idem concedatur ob periculum , timoremque gravis decoris , vel nota?

Et nikelominus vulgata item doctrina Theologorum est , etiam tum benignè concedi : siquidem præcepta pia Matris Ecclesiæ non obligant (remoto contemptu ) cum tanto propriæ famæ dilpendio ; nam propteræ Sacer Mysteria , si dum Sacra libamina peragit , recordetur etiam ante Operatoria verba , secubum potumve sumpsisse , porrò pergit ad reliqua ; excusatitur enim sati , superque à prædicto periculo indecoris notam incidendi . Ut interim itaceam Sanctum Bonaventuram , virum doctrina , & pietate præclarum , assentem , inchoatam Missam temper esse à Sacrificante perficiendam , quia ferè nunquam sine scandalo solet omitti : adderem ego , & sine irreverentia . Porro , si ad ultra item indulgemus , in quo tandem disputatio nostra versabitur ? Ago , non quidem in expendendo jure , sed in venando facto , nostram esse in præsenti quæstione collocandam industram ; omnes enim tñimus , instante gravi infamie periculo , ab Ecclesiasticis imperijs nequaquam Fideles ob-

stringi : At , quandonam , et ipsa , eulmodi periculum immineat , non scimus omnes : & operosum s'pè esse , id decernere , omnes ingenuè facemur .

Hoc igitur agamus . Et profectò (celestibus annuentibus ) id actum . absque vestra molestia , Patres , à me erit ; si unam , alteramque non insultam narratiunculam proferam in medium , & difficultates inde emergentes brevi responsione dissolvam . Initium facio ab ea , quam refert Adamus Tannerus , vir Societatis Nostræ , Theologia scientissimus disp. 5. quæst. 8. n. 92. de Eucharistia .

Sacerdos quidam ( ait ) nomine Theophilus , cuiusdam pagi animatum Curator in Svevia , invitaverat ad festivum dedicationis suæ Ecclesiæ diem honestandum , decem , vel plures Sacerdotes in vicinis Oppidis commorantes . Præstò fuerant destinato die , & ex his postremus , ille adfuit , qui aliquibus ante diebus à Parocho Theophilo rogatus , ac designatus fuerat , ut solemnne Sacrum ( Missam majorem vulgus appellat ) confuero titu , & cantu occurrenti ad diem festivum frequenti populo , daret . Verum is , re non bene intellecta , vel data sponsionis immemor , priusquam à suo pago discederet , rem Sacram suis fecerat parochianis ; reliqui vñ Sacerdotes , aut idem egerant in suis quisque Oppidis , aut ex his nonnulli itineris tñscipendi causa ex suis locis ad Theophili distantem ædem , Sacro Mysterio , ea luce , nequaquam oblato , se commodo jentaculo muniverant . Itaque nullus ex Presbyterorum numero inveniri

pos

potuit, qui jejonus in tanta solemnitate, populo sacrificium expectanti, esset ad Sacras preces ritè dispositus. Quid ergo factum est? Tannerus, his brevi- ter enarratis, hæc ferè verba subnecdit. Inquiero, an illorum, Sacerdotum unus potuisse inculpatè in hoc eventu facere Sacrum? Et primò responderet num. 64. potuisse, si defectus jejuni fuisse occultus, quia è duobus malis erat minus eligendum ex lib. quoties nihil H. de Regulis juris. At minus malum censendum fuisse, Sacerdotem occultè injejunum ad Communionem accedere, quàm Sacrum in his circumstantijs non celebrari. Respondet secundò si publicus fuisse jejuni defectus, fuisse latius, ut totus populus (prius tamen è suggestu causam edictus) dimitteretur absque Missa, quàm illa fieret ab illorum aliquo, quos, nemine excepto, non esse jejunos, pluribus manifestè constabat. Hæc ille, approbans id, quod religiosi ijs Sacriolæ, inita consultatione, decreverunt. Nam fuit ea populi multitudo è sublimi loco admonita, & inaudito Sacro dimissa.

Date mihi nunc veniam, Patres, ut ego venerabilium illorum Sacerdotum, ac doctissimi Tanneri, bona pace, meas nugas interponam.

Equidem, si hodie hujusmodi hæsi- tationi interesset, suaderem, ut ad aram unus ex ijs operaretur, qui, quamvis jejuniu[m] violasset, vitalia tamen Sa- crificij liba non prægustaverat: Etenim, in primis, non esset ullum timendum scandalum, ut probi illi Præsib[er]i ve- rebantur, si enim ij, quemadmodum

causam dimittendi, sacrificio non obla- to, populum docuerunt, sic pro cor- cione edixissent, permitti ab Ecclesia in rarissimo eventu, tam vehementibus adjunctis vallato, hanc injejunè libandi facultatem, certè benevolentiam potius conceperint Fideles de benignitate p[ro]tectionis Matis Ecclesie, quàm ullum passi esent pravi exempli detrimentum.

Deinde ob grave, & publicum scandalum, quod alia ratione evitari non datur, licetè facit Sacrum Sacerdos, tametsi non Jejunus, ut post Suarium disp. 68. secc. 2. de Eucharist. contra Na- varrum tradit idem Tannerus loco lan- dato num. 41. Nam ubi in difficulta- tes impingimus, semper eligendum est illud, in quod minus instat periculi, ut docet S. Thom. 3. p. q. 83. art. 6. ad 2. minus autem periculi est illud ex eodem S. Doctore, ibidem, quod pertinet ad qualitatem unius, quàm quod spectat ad multos, qui peccandi ansam accipiant. In re autem, de qua loqui- mur, si illam sincera mente pensite- mus, non potest evitari gravis scandali periculum, hoc est, gravis, & injusta indignatio plebis adversus Sacerdotes, gravis oblocutio in eosdem, & ridicula diæteria, eorum famam, honoremque lædientia. Quis, quæso, inurbanum, stultumque vulgus cohibere posset, quin hoc, vel simili cachinno petulan- ter effutiret? Hem Sacerdotum inglu- viem! Hem, quod abstinentia exem- plum ij in templis continuò viventes, & Sacra Evangelia temperantiam prædi- cintia evolventes, proponunt nobis in domibus profanis, in plateis, in ho- spitijs, in officinis quotidie commoran- tibus!

ibis! Tentant manè , qui vespere Ecclesiastici Jejunij vix ad uncias panis octo , nos fame distentos amandant , & benignè sic nobiscum agere gloriantur . Solemni Sacro nos defraudant , ut ipsi consuetudine solemni manè ientandi non defraudentur . Hæc , & his amatoria , quis ex illo plurium capitum monstrò non expectabit ? Et profectò quanti item estimandum est , & omnino à Fidelibus extirpandum labendi illud periculum , eos nimirum assuefi ad Sacerdotes alpernandos , atque adeò ad eorum consilia , documenta parvi facienda ?

Tertiò , expendamus , quod idem Tannerus prudenter decernit ibid . nū . 92. censet enim , si die festivo Natalis Christi Domini unus dumtaxat Sacerdos post sumptum à media nocte cibum in aliquo pago adeflet , nec aliis habeti , vel conquiri posset , nullo cibo refectus ; censet , inquam , illi non jejunio facere Sacrum eo die licere , & ritè factum , si Sacris operaretur adhuc semel . Deus ergo immortalis ? quoniam grande discrimen intercedit inter Sacrum necessariò celebrandum die Natalis Domini , unde liceat non Jejunio litare , & inter Sacrum solemne celebritatis , de qua loquimur , ut idem omnino non liceat ? cùm præsertim hic ex multis locis , pagisque multitudine confluxerat : ibi in Natali Domini unius tantum Oppidi populus exposcerat Sacrum .

Postremum argumentum ducamus ex patitate cum gravissimo Decreto Concilij Trid . sess . 13 . cap . 7 . in quo sic habetur : Nullus sibi conscius peccati

Tambur . de Praecept . Eccles .

mortalis , quantumvis sibi contritus videatur , absque præmissa Confessione Sacramentali , ad Sacram Eucharisti- am accedere audeat , etiam Sacerdotes . Quod si quis , necessitate urgente , ante præviam Confessionem celebraverit , quamprimum confiteatur . Hæc Tridentinum .

Hæc ergo inquirunt Doctores , & indigitant eas necessitates , in quibus liceat , non præmissâ lethaliū homologisi , cum contritione Aris intendere : & inter illas enumerant cum Diana part . 9 . tr . 3 . ref . 9 . Trull . & Gartia ( contra Castropal . hanc veniam dare negantem p . 12 . de Euchar . ) eventum illum , quo simplex Sacerdos , hoc est , etiam non Parochus , rogetur ab aliis , probum , innocentemque Sacerdotem non habentibus , qui ipsis rem divinam die festivo faciat ; immò etiam , quando ipse unus Sacerdos Sacro carere deberet . Id ego , vestigiis hærens doctissimi Castropalai , nullatenus approbo , sed non est hæc de ejusmodi sententia disputandi locus . Solùm astero , eam mihi in disceptatione , quam præmanibus habeo , valde favere ; si enim Doctores illi , fas esse , affirmant , Sacerdoti absque mortalium delictorum confessione , & solùm contrito sacrificare , ne vel ipse , vel alij Sacro careant die festo ; quidni , nos idem non Jejunio in adjunctis multò gravioribus liceret , contendamus ? peccatori enim Missam celebrate volenti , confessionem imperat jussio divina , quam à Tridentino declaratam fuisse dunata , & promulgatam , non verò institutam , fert probabilius Theologorum sententia ,

Pp tia;

tia, cum jejunium ante Sacri Mysterij functionem, certò, & ex omnium doctrina, sola imperer Ecclesia, quæ obstringere nunquam prælumitur, quando molestissima illa incommoda urgunt, quæ in Superioribus in medium allata sunt.

Plura item cumulaçem, nisi me orationem vertere ad alterum, quod promisi, exemplum, temporis angustia, commonefaceret; quod quidem, dum hanc prolusionem ante paucos dies meditarer, in mentem mibi revocavit reçens nostrorum Sacerdotum inaugratio: Ecce illud.

Quidam, cui nomen erat Nicephorus, recens Sacerdos ( Neomistam, unico vocabulo, appellant Græci, quod etiam nos Latini non teme usurpamus) Neomista, inquam, Nicephorus, diu & frequenter in siccō Sacro, ut loquimur, faciendo, le exercuerat, ea ipse, ut primitias ex acquisita consuetudine expeditius, & securius immolarebatur. Idem peregit manè illius diei, quo primam hostiam Deo erat solemniter oblaturus, ac pro more, quem servaverat superioribus diebus, immemor instantis celebritatis, assumpit, deglutitque grandiorē particulam non consecratam, idque paulò ante, quam pullarentur campanæ, indices solemnis officij, ut in illis regionibus mos incerebuerat, à Neomista decantandi. Quid agam? ( secum animo revolvebat:) è suggestu, more nostræ Ecclesiæ, admonitus est populus, jam tum à die Dominico præcedente, ut ad meam primam Oblationem conveniret. Templo affabré aulâis exornatum, con-

languinei inibi præstolantur, domici convivium paraverant, Hen! quid consilij capiam? Hæc obvertabat, & similia. Demum tantisper animo fato, subiit mentem, remedium unicum elucere, consulendi scilicet Partem quendam è nostra Societate; cuius nomen reticet is, à quo, ut mox dicam, res hæc gesta narratur. Statim ergo ad illum accurrit, petitiq[ue] consilij, cui deserte respondit Pater esse Primitias in alium diem omnia differenda. Quanto Neomista doloris sensu, cogitari potius, quam explicari verbis, potest. Narrationem hanc, illiusque Patris decisionem, licet breviusculè, refert P. Georgius Gobat, in *Alphabeto Sacrificantium casu 13.*

Ego nihilominus mitiorem sententiam coger amplecti à rigore consilij illius Patris, Ordinis quamvis nostri, omnino recedens. Existimo enim, si ea adjuncta ( quas circumstantias minus latine vocamus) adfuerint, qui in relato eventu recententur, culpam admissorum nequam fuisse optimum illum virum, si quamvis injutus à Sacro Mysterio non abstinisset.

Porrò circumstantia illæ numerabantur. Prima Neomista per honestat[er], ac nobilis erat familiæ. Secunda error ille, jejunique defectus occultus omnino fuit, & uni ipsi solùm notus. Tertia illuc convenerant aliunde cognati plures. Quarta patatum lautum convivium. Quinta convocatus fuerat pro concione populus, atque adeò summi, mediij, infimi, & cum viris nobilis matronæ ad destinatum templum se contulerant. Sub ijs circumstantijs li-

cuise

quæ offerri à Neomista Sacram Victi-  
mam, tametsi non Jéjuno; modò vo-  
bis hæc sententia placeat, sapientissimi  
auditores, puto.

Primo, quia ex Tannerò modò ha-  
bimus, licuisse, dic solemnis Dedi-  
cationis, ad aram accedere, si occulta  
fuisset sui violatio Jéjunij. Quidni igi-  
tar, si in abditissimo nostri Sacerdotis  
enore, idem ex pia Matri Ecclesiæ be-  
nignitate decernamus? Non sunt re-  
petenda rationes jam allatae: vos ipsi  
illas huc advocate.

Sed probò secundò ex generali do-  
cumento de Epicheia, quam post Ati-  
stotalem s. Ethic. cap. 10: & S. Thom-  
am p. 2. q. 96: art. 6. tradunt cæteri  
Theologi: videlicet, ob virtutem,  
quam idem S. Doctor, æquitatem ap-  
pellat, fas esse recedere ab apertis le-  
gum verbis, si quando id exigit bonum  
commune, & (ut explicat idem Ari-  
stoteles) si quando Legislator adesset,  
hoc modo dixisset: dixisset, inquam,  
mentem suam nequaquam fuisse, quod  
lex ab ipso lata ad ejusmodi actum ex-  
tenderetur. Jam si æquo animo con-  
cipiamus, Neomista genere Nobilis,  
optimisque motibus, ac virtutibus or-  
natæ, alitissimam molestiam, angustias,  
prævium mente dedecus, Ignorantia  
evidens periculum, totiusque cognationis  
trifilissimas querimonias: si alio-  
rum oblocutiones ob oculos obyerse-  
mus, suspiciones, ac temerè concepta,  
prolataque judicia; quod Sacerdos ille  
la serice constitutæ; quod in excommu-  
nicationem fuerit prolapsus; quod ir-  
regularis, aut aliquo Canonico impe-  
dimento irretitus. Si item expenda-

mus expensarum jacturam, si contem-  
plum, si convicia adversus Neomistam,  
tanquam hominis incautissimi, cum  
debuisset in tanto negotio esse cautissi-  
mus; si hæc, inquam, æqua lance per-  
pendamus, certè pronunciabimus, agi  
publicum bonum populi, illud Oppi-  
dum incolentis, quando delicta illa,  
ne committerentur, cautum esset. Se-  
cùs perinde, ac periclitaretur commu-  
nis utilitas, si lex de reddendo deposi-  
to extenderetur ad restituendum futio-  
so gladium (quod est exemplum à S.  
Thoma allatum) ita periclitaretur bo-  
num animarum frequentissimæ illius  
multitudinis, si tanta occasio peccandi,  
hoc est, suspicandi, maledicendi, te-  
metariæ judicandi, contumeliosè agen-  
di in fræni populo extendi sineremus;  
unde ulterius infero: Si Summus  
Pontifex interrogatus fuisset, an Cano-  
nem illum ex S. Augustino desum-  
ptum, & cap. liquido de Conf. dist. 2.  
relatum de non sumenda Sacra Eucha-  
ristia, nisi à jejunis, vellet extendi ad  
hunc eventum, de quo disputationis, tot,  
tamque violentis conditionibus vesti-  
tum; infero, inquam, eum responsu-  
rum, nec se, nec S. Augustinum volu-  
isse unquam, Canonem illum extendi,  
nec aliam responsionem expectare  
possum à pia Summi Pontificis pruden-  
tia: quod est illud Aristotelis, si Le-  
gislator adesset, hoc modo dixisset.

Addo nihilominus, si Sacerdos ille  
recens inauguratorus, fuisset obscurus  
homo; si multò magis fuisset alienige-  
na, si non ipse unus, sed alij plures pri-  
mò erant litaturi, inque alium diem  
differebant primitias, etiam si jejunij

Pp 2 defe-

defectus nullis fuisse cognitus; hunc profectò dicerem, de ara, illo die adeunda, cogitare non potuisse: siquidem incommoda, quæ in hoc ignoto viro obventura timeres, non tanti censerentur momenti, ut anteponi deberent antiquissimæ Sanctiōni de abstinentia cibi, cibo Angelorum præmitenda.

Sed vela orationis contrahamus; & ut initium hujus prolusionis cum fine connectatur, advertite, ornatissimi auditores, difficile nequaquam esse in hac quæstione, quid juris sit, decernere; facile enim decrevimus, instante dederoris nota, vel gravi quopiam dilucidio (semoto, ut semper intelligimus, contemptu) posse concedi jejunij sollicitum non esse communicaturum. At quandonam, re ipsa, & ut loqui consueimus, de facto hæc incommoda imminēant, non resolvimus facile: id enim ex allatis narrationibus, & ex emergentibus inde oppositis Doctorum placitis, ac rationibus, quas opus

semper est, non oscitantे expendere, quām operolum sit deliberate, plānē notastis.

Nam propterea Theologos Moralis scientiæ consultos, præsertim illorū, quorum industria, ac solertia, in institutis animarum Judicibus, valde desudat, ut difficultates tam graves distinguere, ac definire valeant, quando ij ad Confessiones expediendas fuerint promoti, summo haberi in pretio, & magni fieri (abst verbo invidia) ab omnibus merito pervelim.

Vos, Adolescentes optimi, si Tyrocinium hujus scientiæ, nempe Moralis Theologiz, ponere decrevistis: Preceptorum vestrorum limina terite; eos tæpe interrogate: illorum lectionibus assidue, ac frequenter assistite; ut ad tantum munus implexos moralium dubitationum nodos dissolvendi, hoc est, Fidelium animas ad salutis viam dirigendi, quo nullum opus est excellētius, idonei, magis, ac magis effore memini.



TRA-